

山右石刻叢編

山右石刻叢編卷十二

賜生由身顯品頂戴兵部侍郎兼都察院副都御史巡撫山西兼管提督學政節制太原城守尉天啓朝之

宋

源神碑

碑高五尺六寸廣二尺五寸五分二十六行行六十一字至六十三字不等正書今在介休縣洪山村

源神碑記

進士趙珉撰文

前并州押衙銀青光祿大夫檢校國子兼殿中侍

賁撰銘

日照寺業維摩經僧奉密書

夫三才始立二氣俄分山林藪澤產利物於人間日月星辰布祥光於象外斯乃靈泉化出古廟興商嶺西朝狀若嶰

韓嵐岫前遮如同翠幕顯崑崙之秀氣涌渤澥之波瀾鸞鷲  
口中瑞彩氤氳麒麟崑崙上颺風颺颺雙峯山之媚嬈比較難  
同七葦巖之幽竒應當未許此有穿雲翠栢鎖鑿寒松微風  
颺玉磬之聲朗日運金鍾之響濃泉百道綠柳千株異鳥吟  
吟祥花熠熠漢朝四皓□為隱遁之方晉代七賢可作優遊  
之地假使垂釣呂望弃仕嚴陵慕道德而須藉林泉好清閑  
而乃居岳谷况此龍潛潭內虎隱岳間巍峩殿下倏忽風生  
礫磔山前瀕夷霧起灣還白浪波洋透海之聲嵒崿孤峯峭  
有擎天之勢峭岑硠硠高遶簾窠雷聲動而山雲卷卷雨罷  
傾而洞水潺潺虹蜺檐畔令醮客以狐疑麗麋池邊遣耕童  
之怖畏青松韻雅淥沼波深淒涼而盡棟雲收俏寐而朱門  
霧卷臺傾竹葉鳥飛於瑤瑁觥中鑪炳桷檀兔走於玳珠簾

下查興六律賀及百靈南岳天尊騎赴星壇東閣李陵駢遊  
月殿有英雄賀魯勇猛秦王旌旗遮日月之暉皂纛擁雲霄  
之露鑿鈴雜合北返龍官鞞鼓崢嶸西歸鳳閣可以和風應  
律細雨依時潤稼穡以豐登助吾

皇之感化求之  
有驗禱之即靈德布衆中恩垂海內無為一體大道齊行每  
處冲和常居闕寐毓蒼生之寬宥瑞應

皇都慣獫狝之  
宛頑威臨紫塞致得番戎稽首請命求袞賚

聖祖以

仁慈匈奴之斂迹腋五星朗照七曜明天天魚慧字  
之妖野有嘉禾之世澄四溟之漱灑浪隱鯨鯢瑩五岳以豈  
峩山藏鵬鷺盤遊宇宙假使風雲潛形於恍惚之中造化於  
希夷之內是以陰陽莫測至理難窮知物外之精微察人間  
之善惡矜慈敏孝明垂禍福之門順政逆邪暗舉無亡之路

深知人事朗鑒天心報吉報凶或瞋或怒縱子推於雲外撒  
筥與雷順樂巴於蓋前駙風喚雨能令蜀地火滅齊國風生  
□變頃臾存亡傾剋蓋自天然皆因

神德若也經遊四瀆巡歷八山施雷電而霹靂縱橫洛江河  
而波濤汎溢摧山拔樹屏惡除凶遣迷心作悟心俊邪見為  
政見遂得先人立廟今古相傳建聳翠之樓臺立崢嶸之殿  
宇崔嵬碧嶠鑠三島之煙霞崢嶸洪嶼捧十州之雨露星分  
室辟地接綿田孤峯當其前碧泉處其後岸同馬頰塢若胡  
蘓聞博望侯之所說海岳難窮覩嚴君平之見識乾坤別  
疑此山藏乍玉水隱驪珠沃万户以滋榮灌一川之秀麗紅  
蓮菡萏對魏闕以光華綠柳芳菲接平陶而蕭洒罵啼林下  
蝶舞花間梁園之上客歌歡洛浦之佳人遊翫駢闐車馬無

非盡轂雕鞍猛烈英雄盡是披羅掛錦是日花垂碧洞柳拂  
長衢傾玉液於琥珀盃中會 星郎於芙蓉帳裏絲竹嘹亮  
弦管鏗鏘聲喧鸞鳳之林韻逐鷺鴦之水初平石上蘚色編  
爛阮氏池邊花蘂蒨蒨詩仙道伯翫水看山釣叟樵翁尋溪  
透澗况以時當九夏景若三秋雲生□砌寒滕曦霧起  
朱門冷万年松下菴中藏吟風詠月之痕千尺巖邊洞裏隱  
飲露喰霞之客龍池黯湛虎谷嘶岳博暮而水冷溪寒欲雨  
而雷奔電掣雲收殿側雨霽樓前蕭蕭兮蕩子淒涼絮絮兮  
遊人寂寞莓苔徑上依依似翠錦鋪舒躡棘河邊鬚似仙  
槁化出弃瓢高士杖掛藤蘿漱石 子 儒衣穿薜荔林幽境媚  
盖自靈泉物潤民昌皆因 聖德

徐贊頌

建

國靈祥 於今聖取 泛淘一洞 分流万派 浩闊滄江

滋濃汾介 護持國土 亨扶聖代 藺林繡媚 江山

瑩泰 昔憲華宮 厝宇彫壞 將命雄標 重謀更改

殿舉崢嶸 宮修落僞 容備七環 儀粧五彩 憤志推

堅 真心慷慨 民希獻賀 官遷禱賽 奠醑熬袍 跪

爐金帶 秀瑞凝凝 舒雲發鬣 惠布環均 兩行晉蓋

名譽孤高 功勞獲大 榮曜一方 威臨四海 奉天

顯令 順民恣愛 丹竈炊頻 洙風扇崑 高士雲集

興舡頻屆 陶剪翠殊 名彰萬載

至道三年歲次丁酉六月癸巳朔十日壬寅重建造神堂

大中祥符元年戊申歲七月己未朔十五日癸酉建立此

碑 學究充副維郵魏朗 維郵郭威 前縣尉衙押司

武及 前馬大卿莊官任願 前油務任能 學究任王

故西頭供奉官嵐州兵馬都監弟三傳業任光舜 習  
學究郭文政 前押司錄事高緝 前守大通監主簿兼  
都維那任密 宣補鄭州浹澤縣鎮將兼知縣王道 磁  
窯稅務任韜 故汾州錄事叅軍孫學究重化官 姪靈  
永昌

洪山寺 尚座講上生經僧雲秀 講百法論業講法華  
經僧智皓 見克寺主僧智密 僧智顯 法敬 法蘊  
法言

將仕郎守介休縣尉 通引官克介休縣酒務候裕 前  
磁窯稅務武忠 習學究田鐵 苻太玉在官郭 強壯  
貞寮王珣 禪林院主業百法論僧惠進 業上生經僧  
惠間 業法華經兼文殊閣主惠海 業法華經惠朗



僧惠清 將仕郎守介休縣主簿張文 客司克介休縣

商稅務查雅 衙長焦茂 李臻 李緒 趙達 溫弱

王<sup>夏</sup> 楊瓊 王宗 日照寺主講百法論上生經沙

門 奉泰 業法華經監寺僧奉貞 講上生經奉美

講誦維摩經奉臻 講維摩經百法論奉譚

儒林郎守介休縣□□贊 使院勾覆官武謙 押司錄

事王刊 梁景 前行趙謙 小張謙 大張謙 □憲

任顯 田暹 弓手郎級 趙斌 張弁 **訓** 司

理□即級任斌 前勾當莊官任釗 前隨使郭謙 長

使郭演 刊字人馬斌 弟廷釗 男廷海 姪廷誨

校碑題進士趙珉撰文前并州押衙銀青光祿大夫檢校

國子兼殿中侍御史徐贊撰銘日照寺業維摩經僧奉

密書按天禧二年李將軍廟碑質結銜爲僞命省司別駕

與此碑題異又宋滅北漢改太原府爲并州此碑署銜爲

并州押衙則當爲入宋所授

北漢亡太平興國四年中更

德至祥符七年凡三十餘年

雍熙端拱淳化至道咸平景

神廟記狐岐山舊有源神廟故事每歲上已有司致祭戊

子春三月邑人白余於是設牲走祀廟在山之西阜頽焉

將傾細視宗間書至大二年創建洪武十八年重修傍得

石刻進士趙珉撰文并州押衙銀青光祿大夫檢校國子

兼殿中侍御徐贊撰銘碑稱至道三年重建神堂大中祥

符元年勒石用是知源神廟自宋以前有之其爲水利從

來最遠碑文用四六頗麗然誕漫纖靡闕略於事情銘及

字畫尤草草多剝落顧非是則罔與徵往古人所以重金

石之文也。据此源神廟爲水利而祀，而碑文自沃萬戶以滋榮灌一川之秀麗，諸語外竟無及水利事。誕漫纖靡之譏，誠無以解銘文有泛濫一洞分流萬派，浩闊滄江滋濃汾介惠布，彌均云云亦頌水利。今介休志驚驚泉卽勝水出狐岐山，俗謂之源泉水利所在，民頌罔休。宋文潞公始立石，以此碑證之源泉水利之興當在宋前方輿紀要介休縣東南二十里石洞水源出洪山，或謂之勝水灌自城以東數邨之田，凡九十餘頃，西北流注於汾。按卽源泉與縣志勝碑末題至道三年六月壬寅建造神堂大中祥符元年七月癸酉立碑，所題諸官有將仕郎守介休縣尉屬將仕郎守介休縣主簿張文屬儒林郎守介休縣令屬贊又所題諸人銜有大通監主簿磁審稅務客司充介休縣商

稅務疑皆爲鄉宦按山西水利見於古籍者自水經注新唐書地理志後無專書如崞縣之陽武渠太原之晉渠霍州之霍渠絳州之鼓堆渠及此碑之源泉皆見宋金諸碑可爲考晉水利者之助

鹽池詩

石高一尺七寸廣二尺一寸二寸  
二行行十八字正書今在解州

鹽池詩

翰林學士王禹偁題 并序

鹽池之大古無題者有唐都長安河中爲近輔池實屬焉古人竒士遊者多矣還都建郡已來亦在千里之內凡所臨蒞率皆儒臣未有一詞以紀勝槩天實惠我使之補亡禮化四年孟夏月禹偁自商洛移于解梁會宗人太常博士王侗且

領池事遊覽之際憤然成章章三十六句雖不虞於前輩豈  
敢誣於後生人或繼之實自子始詩曰極望似江淹漫漫起  
素波兩池泉不竭千古利還多場吏輸年額畦夫奉月課收  
時車併載種處地先磨碎顆珠凌亂乾聲玉切瑳岸平開雪  
苑渠滲拆銀河眾鴿齊翔舞群羊自寢訛本源皆舄鹵異號  
亦鹹醴沫訝浮鷗鷺津疑漬蚌螺煮勞輕渤潏煎苦笑牂牁  
雨打重歸水菴盛更覆蓑監風吹作片烈日曬成梁海未知  
難及蕃青的不過惠人飡罔闕均口賦無頗涿鹿城雖近蚩  
尤血若何有時紅爛熳是處白嗟表潤下終資國靈長任酌  
蠶江梅須待我金鼎始能和

大中祥符三年四月一日刊石

朝奉郎尚書都官員外郎知軍州兼管內勸農及提點兩

池事騎都尉賜緋魚袋李欣建

按解州志宋王禹偁淳化四年自商洛移刺解州有題鹽池詩原碑陷州署壁卽此碑宋史禹偁傳判大理寺抗疏論尼道安罪坐貶商州團練副使歲餘移解州四年召拜左正言長編淳化二年八月己卯注會要稱法官議覆尼道安獄依違鹵莽皆作遷謫九月戊戌王禹偁等免官宋史言禹偁以議道安獄貶商州無年月以長編正之則淳化二年九月長編淳化四年八月初商州團練副使王禹偁量移解州因左司諫呂文仲巡撫陝西疏言父老求徙東土上卽詔禹偁還朝己卯授左正言史無至解月日以碑考之則以淳化四年孟夏月至解可補史闕碑末所列之朝奉郎尚書都官員外郎知解州李欣見州志禹偁傳

咸平四年卒今碑立大中祥符三年四月則在禹偁卒後  
碑前題翰林學士王禹偁題翰苑羣書學士年表至道元  
年正月禹偁以禮部員外郎知制誥拜五月以工部郎中  
知滁州罷宋史有爲學士年無月禹偁爲翰林學士在題  
詩後又非所終之官今碑題翰林學士者宋人重詞苑也  
靈長任酌蠡句縣志作靈長任蠡哦應從搨本爲正

重修魏孝文皇帝廟碑

碑高四尺五寸廣二尺六寸二十三行行四十七字字徑七分正書篆額失拓今在鳳臺縣

重修魏孝文皇帝廟碑文并序 彭城劉遵文并書篆額

天道化育民物俾利用厚生代其乂者宜稟口順之厥或悖  
逆天道殘害民物則 睿哲之君應時而出以救其弊孰

可于茲即 魏孝文皇帝之謂矣案後魏帝紀文帝名

宏成帝之系獻帝之子卒拓跋珪之後也至

文帝改氏姓元當晉綱失馭王道陵夷戎醜亂華域中版蕩  
三秦二趙四燕五涼夏宋梁齊悉爲勍敵獨魏稟天之粹據  
地之雄寶賢任能兵強國富金革高舉矢石奮飛河朔東兵  
惟揚築壘馬頭城破宗祖廟成定律令以削民造明堂而布  
政武威爰震文德聿修懷惠畏威邇安遠服斯蓋 道武

始以武功平海內

孝文卒以文德來遠人然而愛敬

博施聲教廣被巍巍蕩蕩與天同功謚曰

孝文皇帝

不其盛歟故當時民立廟於茲以荷其賜日月流邁寒暑蕩  
遷風吹雨漂幾經毀頽咸通初已曾革故蓋簡厥功乾祐末  
重議鼎新亦非宏壯綿歷紀運垂五十年泊咸平辛丑歲堂  
宇欹傾廊廡頽圯垣墉戶隔缺壞僅存 昭晰之靈似無



惡附獻翼之志情慢或生住下居民共相與歎越有□□□  
□□□既肇厥志又觀人欲若非巨力不克底成遂請司徒  
公仁協首之常公仁謙次之尹公師訓繼之以德動衆若草  
從風捨貨施功豫順允悅於是選奇使異飭力揆材登登憑  
憑是築是削基局既實階陛復崇壤桷增新棟梁易故正殿  
中倚迴廊四周室有堂□□陳俎豆門有樹足以肅形儀塑  
繪畢矣 端袞備矣 如在之容儼若恭己之體威如

使積善者陳信無媿□□惡者面誣多黷禍大矣哉非□□  
刑賞鑒於生存 威福形於既沒其孰能與於茲乎其地也  
左欽仙嶠石木 龍門浮山翠擁於前長石藍堆於後

靈祠巖立山光與丹雘相鮮度禱斯來水聲並金絲合

雜既嚴

廟貌時祀有歸永贊

皇圖長存不朽涉功踈刻燭學

味編蒲衆命難辭強成實錄言之不雅謹為詞曰

東晉失馭

倏爾而亡

後魏應期

勃然而昌

□被

河朔

壘桑惟楊

孝文繼世

厥道彌光

以孝治國

罔有不臧

以文來遠

率土賓王

民受其賜

設

立祠堂

寒暑迭謝

榱桷圯傷

屬有仁者

換易□

梁

既宏正殿

復壯迴廊

塑繪具儀

繡藻斯章

儼然如在

忽爾難量

無虧初祀

有備蒸嘗

歆惟

明德

黍稷非香

禍淫福善

響應影彰

永為民鑑

地久天長

皇宋三葉

嗣位之十載景德四年厥功告畢明年正

月天書降遂改號為大中祥符元年

勅下十月東封即以二十四日行事二十六日大赦天下  
大中祥符二年歲次己酉三月丙辰朔二十四日己卯慶  
讚 前管亂舉首席愷真亡 前管錄事牛延美亡  
維郃尹師訓 維郃常仁謙亡 郃維郃司徒仁協并管  
錄事清河吉信刻字

此宋司徒仁協等重修魏孝文皇帝廟碑碑後云皇宋三  
葉嗣位之十載景德四年厥功告畢明年正月天書降遂  
改號爲大中祥符元年敕下十月東封即以二十四日行  
事二十六日大赦天下大中祥符二年歲次己酉三月丙  
辰朔二十四日己卯均與宋史合攷魏孝文紀太和二十  
一年南巡自平陽趨龍門非此龍門也惟明帝七年南巡  
出天井關八年北登太行山幸高都魏代多惠澤及民而

孝文尤著廟而祀之宜矣見金石記

汾陰二聖配饗銘

碑五石均高六尺七寸廣三尺六寸第一石十二行第二石十三行第三石十四行第四石十三行第五石十二行行均二十六字正書額題汾陰二聖配饗之銘八字篆書今在榮河縣

汾陰

二聖配

饗銘

御製御書并篆額

朕緬觀舊史歷覽前王莫不事

天明事

地察以明

察之志格

天地之休在乎祗畏於

神靈嚴恭於祭

祀誠明昭感墜典由是咸修祉福來同蒸民以之交泰乃知

蕭薌之薦方嶽之巡禮莫大於茲文其何以闕矧復安貞之

理博厚之功竅以山川麗乎草木書云剛克軋健是承易曰

無疆資生攸在豈止屬事於北正同禮於泰壇乎臚上者汾

水之曲巨河之濱故魏之國都舊晉之墟土其俗富庶接秦  
雍之郊其民忠<sup>⑤</sup>被虞夏之教地形詭異 神道依憑中

斷洪流揭成高阜俯聯修壤崛起而崔嵬下望平阜斗絕而  
盤礴故得傳於簡冊降厥楨棋漢武採方<sup>⑥</sup>之儀視秦時之  
制因茲吉土祀乎 坤元絳光燭壇始彰厥應黃雲覆鼎

復啓其祥是以百穀蕃滋本枝茂威綿載禩而雖久瞻兆域  
而尚存唐<sup>⑦</sup>宗 回輿於洛師省方於異野視靈場之未泯思  
多稼之能析潔粢豐盛親饗者再至景風甘雨大有者累年  
斯又精意感通珍符丕顯既琬琰之斯刻亦棟宇之云興國  
家 眷命俯臨丕基肇建

太祖啓運立極英武聖文神德<sup>⑧</sup>功大孝皇帝追 天意  
順人心察璿璣麾金鉞挹讓以開國征伐以濟民天下書文

自斯而一域中黎獻由是而穌合於上佑孚率土

太宗至仁應道神功聖德文武大明廣孝皇帝承大統恢至神御蘿圖調玉燭武戡定而不殺文經緯而化成三代典刑從茲而復四方風俗因此而同醇化滂流丕功盡善願惟眇質嗣守高猷雖曰繼明未能燭理徒云涉道同獲

知方常用戰兢靡思逸豫惟祖宗之積慶暨穹壤

之降祥政得其宜人無其怨九德咸事四表來賓中夏太聊存於尉候殊方一貫已息於橐籥子且何功神實垂

佑曩者從禩望秘文東狩以觀民上封而紀號盛禮

斯舉先志紹成陟配岱宗孝思克展歸格藝

祖慶賜方周內顧之懷彌深於若厲盛德之事豈暇於荐興而蒲坂之民河東之守咸言坤載茂育群生寔有方

壇備存舊址囊封奏御遐達於眾情⑤冕接神期觀於巨禮  
眷惟寡昧何敢竊當始詔公車俾從拒絕豈期庶尹復貢僉  
謀以為答 ⑥休祈 繁祉后辟之職也蒸黎之願也

止之則謙尊之德在於一人行之則紛委之禧集於兆姓念  
固辭而靡獲乃增惕而勉從由是發至誠告有位克於祀事  
畏乎儉而勿畏乎豐奉於朕躬戒乎繁而勿戒乎簡蓋以達  
精意非以振休聲上下克諧人神交暢役不愆素工靡告勞  
厥日惟良厥儀斯備臨 ⑦上宰柴告於 ⑧祗率百官

裸獻於

清廟既而整羽衛駕車輿不喧不譁以涉乎夷

路有嚴有翼爰屈乎名 ⑨用復揆靈辰具嘉薦 ⑩精惟一以

奉乎苾芬必躬必親如觀乎翬趾並配

二后昭累盛之

基咸秩五方報嘉生之

惠序

圖錄遵

介

⑪之規用

犧牲若

北郊

之度

入成而

來格三

獻而肅祇乃

命三公累石

以封

信祝

乃驅

五輅

執爵以謁

嚴

祠將

達

至虔

豈

循常

度誠恐行之

不及同有知

而弗為

既而考彌

文頌

渥澤

朝群

后

撫庶民存問耆年

觀覽舊俗

加隆於先哲

增重於

明

神固不足

慰來休之謠亦

庶幾協時

巡之典噫結繩以

降垂

衣而上

商周之前莫能述

漢唐

之際可得詳言

元鼎之隆

開元之威威駐蹕於鄴上

並奠玉於澤中

今

子冲人踵茲威

則何

以追美於二代之歡於

三

神惟當竭寅畏

之心增

軋鞞之志

事

明祇而

如在

視

黔首而

如傷居安思危無

忘於齋慄守成如始常異於和平

一以繼

慶靈

一以達

眷佑至若刊樂石鏤信辭亦明昭

錫類之仁傳乎不朽

持盈

之訓保乎益恭銘曰

持盈

之訓保乎益恭銘曰



博哉厚載 至矣

柔祇

穹昊

比大

生植攸資

乃育嘉穀

以食蒸黎

威德必報

明祠在斯

瞻言

維土

允居汾曲

赤伏應符

黃靈受籙

咸著輝景

並昭祉福

肇建靈壇

式陳嘉玉

舊域雖在

盛禮莫

陳 洪惟先后

俾乂兆民

實開丕緒

以暨冲人

微

猷仰繼

闕典咸伸

初畢

元封

方增惕厲

河

童之民

播紳之士

俟望何勞

奏章叠至

願舉巡方

期觀

明祠

堅辭靡獲

眾望俯從

乃奉

寶籙

言駕

時龍

親陟壇墀

並配

祖宗

式申昭薦

庶達夤恭

既展至誠

爰頌巨慶

祐降

兩儀

功歸

二聖

祇峇

丕休

勵精庶政

刻鏤貞珉

發揮

駿命

大中祥符四年二月十七日勅撰刊石

御書□□

敕□□刻石

按通鑑長編大中祥符四年正月乙酉親習祀后土儀二月辛酉具法駕詣雒壇服袞冕登壇祀后土地祇備三獻

以太祖太宗並配祀如封禪之修

登鄆邱亭視汾河望梁山巔左右曰此漢武帝

泛樓船處也

壬戌御朝覲壇受羣臣朝賀上作汾陰二聖配饗

銘按卽此碑碑有云蒲坂之民河東之守咸言實有方壇備存舊址遐達眾情期觀鉅禮者卽長編大中祥符三年六月癸丑知河中府楊舉正言得本府父老僧道千二百九十人狀請車駕親祀后土節度使甯王元偃復以爲請

事上曰此大事也詔不許其父老僧道欲詣闕者止之此碑所以云始詔公車俾從拒絕也大中祥符三年七月辛丑文武官將校耆艾道釋三萬餘人詣闕請祀汾陰后土不允表既三上八月丁未朔詔以來年春有事於汾陰卽所謂豈期庶尹復貢僉謀也榮河縣志在城內察院東俗稱蕭牆高三丈碑石光澤堅厚上鐫二聖配饗銘二聖宋太祖太宗也見通志金石記

廣孝泉記

碑高四尺廣一尺七寸五分二十一行行五十八字末題三行行六十六字正書今在永濟縣

河中府廣孝泉記

天書儀衛副使祀 汾陰禮儀使推忠協謀同德佐理功臣特進行吏部尚書知樞密院事修國史上柱國太原郡

開國公食邑五千戶食實封貳阡戶臣王欽若奉 勅撰

夫屯而後亨者天道也蒙而後貞者聖功也故聖人<sub>○</sub>數在  
躬嗜欲將至履重險而不困犯大難而克振所以彰靈謀之  
幽贊示成命之有歸也全晉列藩三河外屏中條峙其左紫  
淵居其右前瞻巨嶽却眺隆厓唐虞之所興神祇之攸館蒲  
坂姚墟綿亘相屬惟東門之右壤洌二井之通泉相距咫步  
下有幽隧徵其舊說謂之舜泉也臣謹按司馬遷所撰五帝  
紀云瞽叟欲煞舜使舜穿井而實其上舜從匿空而出又皇  
甫謚云河東有舜井焉惇史之所載舊老之所傳百世之所  
聞 聖朝之所尚非有冀氏之孝格于天地有冀氏之德通  
于神明則曷以浹三千三百餘載而與 聖膺合不然者安  
得其迹益著其道彌光者哉 巨宋受命五十載 皇帝在

宥十一年冬十有二月 帝以穆清恭已㊟默凝神虬箭未央 貞人欵見告以 赤文繇錯之期太平無為之事越明年孟春月 上帝乃降大中祥符三篇於是改元肆赦以答殊休而龜蒙耆艾王公卿士連襪影纓懇請 封禪至于再至于三 帝曰俞哉可以因 名山謝 天書非徒告成功也乃 儼雲罕陟仙閣罄精誠奉 乾昊三年蒲津守臣削牘上奏以民情望幸 神靈仁禮緇黃億兆彙首 闕下且曰 王者勒崇垂鴻 父天 母地 帝既念廣魯之情泥金於 介石矣豈不慰冀方之心有事于 后土乎拜章數四乃從其請四年春正月儀 法駕出閭闔省環衛屏輦血祗肅寅畏以至于汾陰如 東巡狩之禮祀事既畢盛節斯著 帝乃周覽水原問民疾苦聖賢之迹必紆清蹕暨于

此泉特延嘉矚下 詔曰朕以省巡蒲坂歷覽舜泉欽孝德

以升聞考遺蹤而尚在宜加美稱用表敦風仍賜廣孝泉為

名周其垣墉新其堂奧廣其里衛謹其扃鏑遠矣哉非帝舜

之大孝安足動 宸衷非 萬乘之至德詎能旌往躅所以

歷三代迄隋唐而此泉竊翼獲聞褒美及其逢旦暮迴車輿

闐然而彰巍乎不朽蓋以昔帝之名不可以輕斥故易之以

嘉號曩聖之遊不可以蕪沒故表之以靈宇鑿蒼黔之耳目

流愷悌于遐邇敷其化導浹乎綿區逮 按歷寢園廻銜象

魏特形磨藻式揚茂績邁英莖之合奏同日星之麗天仍運

寶跼載刊翠~~琬~~補百代之闕典炳終古之彌文盡善盡美

信 皇王之能事也而又遠汲此泉徧頒著位俾夫家至戶

到父父子子感 往聖之色養遠乎無外知 吾皇之廣孝

飲其至和漬於肺肝極于骨髓人倫外睦善氣內克自然疵  
癘不生祇孽不作躋於仁壽億萬斯年與夫蠲疾育蘇公之  
母逞術呼葛公之錢飛高燄於蜀都隱神物於南路較其遠  
大豈同年而語哉臣職忝樞機身近日月乏權許之藻翰  
莫副天心謝益契之彌綸徒欽 聖作摛毫媿汗庶備直書  
時大中祥符五年二月十五日謹記 十月一日建

翰林待 詔朝散大夫秘書丞同正武騎尉賜球魚袋臣  
朱慶 奉勅書并篆額

宋真宗西祀汾陰經蒲謁舜廟名雙井曰廣孝泉命樞臣  
王欽若作記鐫碑廟中州為帝故都廟建蓋久前代豐碑  
毀剝殆盡獨此石巋然存耳自嘉靖乙卯地變後廟雖稍  
修復此碑則已泐裂不可復豎萬曆癸未分守河東道參

政王公基檄蒲守鄭君文彬庀費掄材既已舉廟貌而一新之矣因余謂是碑不可遂廢仍令判官嚴汝聘別鑿一石錄碑文鐫豎原所雖雄鉅視前少遜庶以存斯廟之故焉爾碑成余乃著其始末綴于左方時萬曆乙酉夏六月大學士郡人張四維書

核碑題天書儀衛副使祀汾陰禮儀使推忠協謀同德佐理功臣特進行吏部尚書知樞密院事修國史云云臣王欽若奉敕撰宋史欽若傳以尚書左丞知樞密院事修國史大中祥符初爲封禪經度制置使兼判兗州爲天書儀衛副使封禪禮成遷禮部尚書命作社首頌遷戶部尚書從祀汾陰復爲天書儀衛副使遷吏部尚書明年爲樞密使宰輔表景德三年三月己亥欽若自資政大學士兵部



侍郎遷尚書左丞知樞密院事大中祥符五年九月戊子  
欽若自行吏部尚書知樞密院事監修國史加檢校太傅  
同平章事樞密使碑立大中祥符五年二月在欽若未轉  
樞相前與史合太平寰宇記蒲州河中府河東縣有舜祠  
續通鑑大中祥符四年二月甲子次河中府幸舜廟賜舜  
井名廣孝泉通志命王欽若撰記卽此碑末題翰林待詔  
朱慶書見通志金石記

題霍山廟詩

石高一尺一寸六分廣一尺二寸五分  
分十三行行十五字分書今在霍州

留題霍山應聖公廟

太常博士知晉州陳綱

峻極巍峩勢望雄層巒疊嶂翠重重為神有感興唐祚作鎮

無疆福晉封材產十州資構厦泉分數色潤耕農幽巖舊楊  
高人隱絕頂遺墳古帝蹤欲雨片雲生峭壁未明先日災危  
峯斷崖當午晴雷震深壑經妖積竊濃樵去每逢遊澗鹿僧  
禪時見戲潭龍名光

祀典傳千載

御祝牲牢致享恭

大中祥符五年六月式十三日岢嵐軍判官鄭世卿書

栗再興刻字

按碑題太常博士知晉州陳綱未有大中祥符五年六月  
二十三日岢嵐軍判官鄭世卿書今霍州志藝文有此詩  
而書撰人爲金陳綱誤宋爲金蓋未見搨本爾唐會要天  
寶十載正月二十三日封霍山爲靈聖公

按宋政和四年八月升封爲王

此刻在大中祥符  
故猜題應聖公

宋史地理志岢嵐軍太平興國五年以

嵐州嵐谷縣建爲軍百官志軍有判官一人碑立大中祥

符五年時嵐已建軍故得有岢嵐軍判官碑見求古錄通

志金石記

天慶觀碑

碑刻兩面正面高二尺五寸廣一尺九寸三十八行行三  
十四字陰面高二尺三寸五分廣一尺八寸十八行行二  
十八字均正書  
今在靜樂縣

大中祥符元年正月

天書降

大內左承

大赦改元□□醺五

日天下賜醺三日以左承天門爲左承天祥符門以正月三

日爲

天慶節其夜燃燈許士庶遊看休假五日節

前七日左承天祥符門及天下建道場設醺前後各三日斷

啓宰禁刑罰改開封府浚儀縣為祥符縣六月六日

天書再降泰山降處建 天貺殿以六月六日為

天貺節休假一日節前七日大中殿建道場設醮節日天下  
建道場設醮詔東京建玉清

昭應宮天下置 天慶觀其年十月奉

天書 封禪禮畢改兗州乾封縣為奉符縣詔加上

上卿九天司命真君懿號曰

九天司命上卿保生天尊五年十月二十四日

九天司命上卿保生天尊降延恩殿 皇帝親奉

聖言吾人皇九人中一人也是趙之始祖有功於世再降乃  
軒轅黃帝凡世所知少典之子非也今於後唐時奉

玉皇命七月一日降下總治下方管勾趙氏之族已一百年

又云吾生於壽壽吾治世至今遠遠只以今來下界日為生日次日大赦天下東京賜醮五日諸道賜醮三日改延恩殿為真遊殿以十月二十四日為

降聖節七月一日為

先天節節夜並燃燈許士庶

遊看仍令天下以續命縷延壽帶保生酒更相贈遺節日賜內外臣寮皇帝御崇德殿公王上壽休假三日斷

屠宰禁刑罰五日節前七日

真遊殿諸道州府

各建道場設醮閏十月五日

勅降制奉上

九天司命上卿保生天尊聖號曰

聖祖上靈高道九天司命保生天尊大帝

聖祖名天

下不得斥犯又奉上

聖祖母懿號曰

聖祖母元天大聖后

玉

清昭應宮建

聖祖殿以

明慶為名東京及兗州曲阜縣壽聖並建

景靈宮奉安

聖祖聖像壽

聖祖殿仍建

太極觀奉安

聖祖母

聖像曲阜縣改為仙源縣

詔諸道天慶觀內建

聖祖殿大中祥符八年四月

二十二日奉

聖旨諸道州府置

天慶觀觀勅建

聖祖殿勅並刊于石

碑陰

建天慶觀勅

勅朕以欽崇 至道誕錫

元符率土溥天期福祥之咸被靈壇仙館俾興作以攸宜庶  
敦清靜之風永洽熙之化宜令逐路轉運司遍行指揮轄  
下州府軍監陶縣等內有全無官觀處相度於係官空閑地  
內破係省錢及係官人匠物料等漸次修建道觀壹所如有  
百姓情願捨地及於官地內自備材料亦許修蓋即不得接  
便別有差擾仍仰逐處候公私修畢宜以

天慶觀為額仍具殿宇房廊等間架詣實數目開坐聞奏大  
中祥符二年十月十四日

天慶觀置

聖祖殿勅

勅近者告期中夕降

聖皇開昭示

誨言備聞

帝胄尊

祖聿隆於

顯號奉

先式煥於丕圖

鴻緒發源既彰於

累積絲區設像用表於欽崇應天下州府軍監並於

天慶觀置

聖祖殿修建所用並以官物充不得擾民其殿內

尊像及侍從等並令

玉清昭應官降樣往口

大中祥符五年閏十月九日

碑刻大中祥符中崇奉天書聖祖等事宋史本紀大中祥

符元年正月乙丑有黃帛曳左承天門南鴟尾上有司以

聞上召羣臣拜迎於朝元殿號稱天書此天書初降也又

大中祥符五年六月乙未天書再降於泰山醴泉北

宋史紀事



本末大中祥符五年六月作玉清昭應宮奉天書也卽碑所云天書再降事又大中

祥符五年十月戊午延恩殿道場帝贈九天司命天尊降

卽碑云天尊降事其崇奉之禮推恩之文備見宋史禮志

及續長編此碑紀天書聖祖降後崇奉推恩故事特詳碑

陰刻建天慶觀聖祖殿二敕以碑奉聖旨天慶觀敕聖祖

殿敕並刻於石考之則二敕亦奉旨刻也按續通鑑長編

大中祥符二年詔諸路府州軍縣擇官地建道觀並以天

慶爲額民有捨地備材創蓋者亦聽宋史紀事本末大中

祥符五年閏十月戊寅建景靈宮太極觀於壽邱以奉聖

祖聖母詔天下天慶觀並增建聖祖殿天慶觀敕碑未刻

月十四日聖祖殿敕碑未刻此碑所刻者卽二詔之詞史

大中祥符五年閏十月九日皆云詔實則敕眞宗君臣矯飾符瑞塗民耳目以掩洎淵

之恥孫奭諸疏已斥其妄此碑詳錄當時崇奉事實而無一語贊頌蓋亦有識者所爲碑立大中祥符八年四月又按元史本紀至元三十年敕江南諸道觀毀聖祖天尊祠元貞元年詔易江南諸路天慶觀爲元妙觀毀所奉宋太祖神主宋之尊崇固爲非禮而元必毀之抑何所見之不廣也

東嶽廟碑

石高四尺四寸廣二尺二寸二十四行行四十九字行書今在定襄縣

大宋國忻州定襄縣蒙山鄉東霍社新建東嶽廟碑銘

并序

太原王鼎撰兼集晉右將軍王羲之書并篆額

都修造維那霍五

炎宋三聖崇文廣武儀天尊道寶應彰威聖明仁孝皇帝于

祥符三年

勅河東管内爰自并門僭號不歸正朔作梗

僅三紀

太宗皇帝奮赫斯之怒行吊伐之恩拯民之塗炭躋民之富壽越以東嶽地遙晉人然備蒸嘗難得躬折介福今

勅下從民所欲任建祠祀東霍杜准并州先降 勅興建建

夫東嶽者天之孫也視三公之秩冠五嶽之首金篋玉策旌

人壽之短脩鎮地配天紀 王者之功績垂柯跨谷峽賦交

陰仰瞻翠標旁曉海曲通二儀而均四氣化融結而定剛柔

寒燠既司歸邃成宅故得 國體天步亟望遐齡 縣神

阜咸祈 景貺傳曰雲觸石而起膚寸而合不終朝而雨徧

天下者其泰山乎元列四典首著祥經降衷于民昭格其位

啟橐籥而發生庶彙秉休咎而大順熙黎斯廟之靈彼嶽之

名輪奐而不可殫述耶有社長太原郡郝超呂瓌等三十人  
同發至誠建其廟貌春秋祈于嘉穀焉及有助錄副邑長霍  
緒都修造錄事霍恩霍晏同力同德不踰不變締梅十有餘  
載始告厥功藏備其廟正殿三間塑天齊仁聖帝兼真君三  
郎崔府君東西堂各三間塑北極五道將軍兼諸部從鬼神  
僅百事門樓三間其廟櫺檀雲畫堯棟霞絕華皖綺疏藻繪  
文稅魚鱗瓦密鳳翅簷張林鳥望而却飛樵子驚而□□鳳  
凰山峻遊覽者同陟白驃之巖琵琶硯深睇眇者似到太平  
之頂千峯萬仞滴嵐翠以赴門壽木簾蘿逗清暉之落廟况  
□杜是漢丞相霍光之別業瓜分豆剖□有三霍之名珠潤  
水明遂繼千年之族其地却倚蘭子之古埭前枕蒙山之聖  
水三泉□流一□沃潤朝則噴湍濺瀨韻漱玉以泠泠暮則

蕩霧蒸雲蔭良田之膻膻驕陽作口火日流金斯水未見涸  
也東對七巖之口姝共施陰隲也西接大鹵之長郊巨連形  
勢也茲廟之興耶 官清吏循民安俗阜風謠逸豫禮樂  
興行

牧主國博布政而無隱邊民偶善以不欺預悼去思大謨來  
暮事簡則豪猾自屏刑寬則狴牢屢空謔所謂上拔

席心下求民瘼道為稔歲身則福星 通倅贊善東掖

官清西臺價盛幹疊有術簪珥無時門弟輝華冢蓋蟬緒然  
供職於闔外咸啟類於封中貴貽厥孫謀慶鍾爵祿仰惟

聖帝自春徂夏來思布福禱之潛通扣之響從率眾靈徵幽  
部悅惚萃聚睚盱降社雷雨教化風雪應祈從滂沱之澤膏  
我田疇施滴洩之潤茂我黍稷 神貴無欺民懷有恩

銘曰

偉哉東嶽 羣望中尊 作國之公 為天之孫 包靈納

瑞 秘乾鑠坤 聖主封禪 率土覃恩 其一 渥金瘞玉

告厥成功 □□導聖 彤雲蔽空 禎祥沓集 景祚

麗鴻 咸躋仁壽 溥扇皇風 其二 飛觀□日 仙壇壓

海 吐嗽玉泉 捫籠霞彩 □□為雨 掌福權罪 蟠

地極天 永光帝載 其三 九原奧壤 俗厚風醇 遙建

祠廟 福庇蒸民 長廊逶迤 廣殿嶙峋 □□□稼

高峙千春 其四 嚴祠顯敞 灌木陰森 丹雘焜燿 棟

宇巖巖 泠泠滌泉兮涵玉 巍巍蒙山兮堆金 天長地

□□□□朽 國□家昌兮福轉深 其五

大中祥符九年十一月二十四日建立

忻州軍州兼管內勸農事輕車都尉借紫胡令儀

朝散大夫太子右贊善大夫通判忻州兼管內勸農事正

騎都尉李珮

將仕郎試秘書省校書郎忻州團練推官趙億

南陽郡薛通刻字 孫薛万

按宋史禮志太宗時用秘書監李至言祀東嶽岱山於兗州真宗封禪畢加號泰山爲仁聖天齊王遣職方郎中沈維宗致告續通鑑長編大中祥符四年五月乙未詔加上東嶽曰天齊仁聖帝命翰林學士李宗諤等與禮官詳定儀注又作奉神述備記崇事之意蓋是時東封事竣朝野上下方以成禮岱宗比隆往代諂媚之士爭相迎合土木禱祠之事興天下靡然向風而東嶽之廟徧寰宇矣是碑

所載祥符之敕宋史長編俱無此文足補史闕然度其時必有合州屬父老踵勸東封西祀之故事而請者觀之敕中從民所欲任建祠祀之語可以得其顛末矣又長編大中祥符元年七月丁巳羣臣上表加尊號曰崇文廣武儀天尊道寶應彰感聖明仁孝今碑文首數語稱舉尊號與史悉合蒙山卽今縣志之叢蒙山去縣二十五里春夏雲氣合輒雨上有雨霽侯廟相傳爲霍去病通志定襄縣屬有南鄉中霍鎮殆卽以侯姓得名歟又職官志太子右贊善大夫宋初爲寄祿官元豐官制行改通議郎正八品團練推官掌裨贊郡政總理諸案文移斟酌可否以白於其長而行之從八品析爲團練州故趙億得以試銜特領斯職耳王鼎館陶人宋史有傳金石記云碑序銘皆不甚工



集書近褚臨本特少疏朗之致據本傳鼎登第服官當在天禧後此爲少作故但署郡望耳

李將軍墓碑

碑高四尺一寸廣二尺二分二十四行行六十三字至六十六字不等正書今在介休縣下嶺侯村

李將軍碑銘

前偽命省司別駕徐賈撰

鄉貢學究□易簡書

前定□□□度使孫鄉貢學究喬久成書

原夫持天冢宰

名遷於鳳閣題標弼帝明賢彰雅号於龍

碑賞錄舉嚴厲則威臨萬古靈應而永固千秋繇是僻徵樂  
湛星聚荀陳藪澤無遺英髦必進使獲嚴口夢說蜀進題楹  
鼎遂益梅醞調飢藥土食接土握髮迎宸八表順其風兆庶

稟其化思其□□渴得其仁如醜中國賴富於賢良蠻戎懼  
聞而束手平酬竭効定難顯忠遐美削魑魅之心裔域止虎  
狼之性君危殿拒獲主奔衝仗龍旌於聖駕之前持虎□向  
鑿與之後伏自 將軍功書洞谷銀學名山筆搖起烏龍於  
上銀拔斬白虎於山南啓治天心致銜皇命當以奉使

明朝憂分漢主遐追狂狄掉三寸而說貢中烈國皇王諷

一言而來朝諸夏緬當奉使歲約千餘住質戎邦一十八載

存安慈母持緘報而信囑魚腸問候 聖顏奉牋章而專懇

鴈足雍容讓進趨濟濟威□整貞秀堂堂輔弼顯忠扶危盡

卽貞美金勝於覆粉 女公主帝納於皇宮壽足戎封望

國而任怨胡天殘念家山慕歸朝而憶同在烏返臨聖地靈

博車住□□□脚踟不進度斯聖驗然議興堂 勅指廟建

於汾南顯瑞靈遷於沁北虔之獲福禱者承恩固獲一方威  
臨百代烏雲倏秀布穹窿而雷操天門翠雨濃傾走紅霞而  
○飛電○東臨管朔西叶源秦南昫子推白牛北措 天齊  
賀虜諸神祐遠名像朝周近烈巍峯朶朶而高層聖頂遠朝  
翠似娥娥著孫壽之肩每遇攢祈咸扶頓主 皇帝籌忝百  
揆綸察万機盤空觀紫瑞疑符踐位威黃龍捧腋八元定難  
十亂評章臨朝有麟鳳來儀馥水瞻龜圖洛晉万方響附四  
夷影從邊疆無蜂蠶之虞朝庭絕狐鼠之患萁草長於砌蓮  
脯生於厨糶田秀合穗之禾野畝備朝天之服 將軍先祖  
老○諱躬身居太上位舉天尊掌三清主太極之宮統九天  
慮陽察之殿三古之聖人設化五千之道德親宣誕身於李  
樹遺生慕因封之為姓連枝柱散本係一根次有 老將軍

諱廣弓開滿月石虎曾射於藍田跨佩七星下壺王擒經九  
縱征姦獲効降撤擒妖口有廟內將軍諱陵為朝劉領袖護  
聖股肱懷機略則辯及相如推俊彥則詞高陸賈腰懸金印  
曾臣十萬雄師骨杖龍泉額匣而孔除三害慮復本龍潛於  
洞浦慕還元虎踞於崆峒後有唐朝僕射諱靖二儀蔭蓋亞  
西復技侯封十萬之勲位烈三觀之上術悟黃公三畧法授  
⑤女九天威靈迴霄滿庚改少得遇 宰君忌獻懸魚遷官  
棄嶺彰雅譽而琴喧百里教民豐而水制千門斤訟明非分  
口察咎黃沙定罪愆哀務而刑用蒲科抱受駐鷄窟地芥而  
馴桑逐雉身受神毫五色禽吞口鳳九包民無聚斂之憂樵  
與叩檐之曲鯨狐寡獨丞矜恤而勉力懷鄉整叟厚單念撫  
綏而猶心戀土及佐縣級錄嶽通薄斂容限輕徭除撓紊而

犬無夜吠住煩苛則鷄禁早鳴吏踈位欠之勞民無剪茅之役今有太上繼世之孫 樹高根擗桂拔枝分追涼而例

獲披蔭植種而班生畢苑念宗宗之烈効表祖祖之翬□菜  
茂風搔條濃蕩鬱憤心機於一變談天号於千齡 離螢

默見縱輝焰而照識無寬淨木孔窺雖瞪目而○推廣見倅  
絲微縷經百練而致算色絲用意精研累搔句而始皆黃絹  
纂諸僻瑞鑿銘銜彰 銘曰

命奉高皇 遠道戎疆 重持國信 奮說皇王 心鋪錦

繡 辨吐瓊章 二君好會 漢虜和光 百寮舞蹈 万

里○康 壽足□封 故跡還鄉 偶臨聖地 □重維將

停車住輦 奉勅興堂 遺風爽爽 聖德昂昂 旅恭

穆穆 初祭□□ 希夷罔則 恍惚維量 奧駁汾水

島際空王 四維極服 七政共皇 麒麟獨步 鸞鳳翔  
翔 地神捧寶 天降符祥 八元定維 十亂評章 介  
汾顯右 帝業隆昌 龍碑鎮後 永翊皇嶷

後漢武帝至大宋天禧二年歲次戊午七月辛酉癸七日  
丁卯建立故記

學究李化成篆

將仕郎守介休縣尉李思問

將仕郎守介休縣主簿段高

文林郎試秘書省校書郎知縣事荆□舉

縣前押司錄事 龐憲 任顯 前行陳斌 溫弼

衙長 田暹 李緒 後行陳弁 □忠 魏臻 龐

演 薛杲

馬及鐫字 弟再□ 再茂

按碑題前僞命省司別駕徐贊撰鄉貢學究 易簡書鄉

貢學究喬久成書按贊又見大中祥符元年源神廟碑題

銜爲前并州押衙銀青光祿大夫檢校國子兼殿中侍御

史通志贊蓋前仕北漢者故有僞命字

以紀年考之祥符在前天禧在後贊

祥符不題僞命而題於天禧不可解又一碑而書人有二亦非碑例介休縣

志塚墓李陵墓在縣東下嶺後村宋天禧二年鄉民因墓

建廟按陵死匈奴不聞還葬縣志乃有陵卒塞外單于遜

送陵屍於長安至此馬不行遂葬之說此與靈石言韓侯

墓者同一荒誕宋祥符天禧間朝廷崇尚符瑞典祀豐昵

舉國若狂故贊爲撰詞以實其事不足爲典要也碑云歿

念家山脚廟不進者卽縣志所本碑始頌遠祖聃及父廣

又及其後李靖支衍靡麗較之源神廟碑爲甚末題天禧二年七月丁卯建立故記學究李化成篆所題官有將仕郎守介休縣尉李思問將仕郎守介休縣主簿段高文林郎試祕書省校書郎知縣事荆開舉以縣志攷之當爲荆康舉縣志天禧中知介休縣碑見通志金石記

### 寶雲寺碑

碑高四尺六寸廣二尺七寸二十六行行四十一字至四十五字不等行書今在長治縣南五十里內王村

### 黨縣潛龍山寶雲寺

前代州軍事推官將仕郎試祕書省校書郎張儀鳳撰  
寺主沙門守通書

**圖** 物形玄黃肇啓盤古身分於世界燧人火化於生靈庖羲

畫卦於八方滋章文物大禹疏通於四瀆粒食蒸民商周當



□□之期孔老踐聖明之域常星不現蘇由誠對於昭王金  
齒方陳法顯逆推於晉代列子表化人之說稔滿王謂之佛  
神仲尼宣黃帝之談太宰誣名之大聖釋利房之東下雖未  
信於秦始皇劉校尉之西遷乃見書於天祿閣於是漢明帝  
金人入夢傅毅昭宣康僧會鼎國未思孫權鄭重通後南□  
北律而被東漸白馬鴻臚始為寺院名山會府方置禪林即  
有□潞府上黨縣潛龍山寶雲寺是其一也其寺本名華嚴  
□□自隋唐至

我皇宋其間僅五七百年或以兵旱交馳封疆割據緇黃避  
難因而廢焉先是乾符中潞水山寺僧明惠大師法諱文舉  
當時有 府公李頌尚書乃空門之大雄者也聞師有

高行脩法駕威威儀請居止於延慶□□所有師之功德基

業尋刊於所請之院迄今存焉洎師遷化之後有弟子玄鏡將靈骨收舍利起塔於本山後有門人如憚於天祐十四禩蒙上黨縣令堅請住此山也度得小師藏休等七人亦祖師之法孫也 宰官王鋌其僚屬歎茲山之秀峙復舊有寺基斯地也東祭仙師之靈泉以南北溝瀆為限約南潮淘源之清水用東西澗溪作津涯而接嘗五穀之神祠憑分水嶺為界道北靠龍山炎帝之廟類準橫嶺而作奧區其宰官王鋌等乃就延慶禪院特請之令撥土住持俄而兩縣之民千人習万人和不日而成其法宇於太平興國三年

勅賜寶雲寺之額僧藏顓紹為寺主度到門人徒弟守澄等一十九人藏顓下世又以守候主持院務亦度到弟子智潤等六人守候告地又以守通繼之至于□□誦齋戒雖風雨

如晦造次顛沛之間亦不改其節操甚得住下信心檀越之所欽佩凡所建置遠近悅隨固無間言者也又度到弟子惠日等三人昨於景德二季有邑首郭善緒王善鴻等百餘人詣

開乞納紙墨價贖四大部尊經歸山

皇上尋許之又各出家財去正殿別造經藏以貯之又於祥符七季有邑弗建造僧堂一座□□麗因曾有也寺主與綱維邑首等並以植福為心夙因是務若無善護何堅確如是耶乃因進德修業苟無紀述何足觀焉遂乃詢訪富仁磨磬礎碣惠然告託以記時季儀鳳因昌朝問闕故里辭不獲命聊以直書將標遠世□未釋守通伏承門徒見命難阻其情因乃成於後序□夫金人降瑞玉偈遐臨接人天上達於菩提度苦源咸登於彼岸檀耶祝祐保因者悟入真空修殿宇

者親招梵福恭心佛刹行入化城止息耶良久時深進道耶  
前登寶所徑安正殿若慈氏之內官也僧叢雲堂已離于火  
宅也俗親善業同火出於蓮華狀彼高源穿鑿久而必見其  
水因茲刊石錄大學英仁希不笑於寡拙

昔大宋天禧三季歲次己未四月戊子胼八日乙未記

寺主守通供養主僧守文典座僧守

錄僧堂功德主智信

小師惠日惠月惠江法乳姪普瞻

尚座僧惠定 童行

惠蘊 惠實 馬兒 善喜

鶴字人鄭守錄

守璘

按寶雲寺見今長治縣志碑題代州軍事推官將仕郎試  
秘書省校書郎張儀鳳撰長編乾德二年七月庚寅議幕  
職官參選條件初入防禦團練軍事判官軍事推官者并

授將仕郎試校書郎儀鳳官正合碑言乾符中有府公李  
嶺尚書以諸書考之咸通五年正月京兆尹李嶺爲昭義

節度使代沈詢定潞州之亂

見通鑑唐紀咸通四年戶部侍郎李嶺檢校禮部尚書昭

義節度使此爲沈詢詢於是年十二月見殺嶺於五年正月代之沈詢代劉潼四年三月嶺不得除昭義非乾

符年諸書乾符中昭義節度乾符二年十月軍亂逐節度

使高湜左金吾大將軍曹翔代之五年六月翔改河東李

鈞代之十二月鈞戰死六年二月辛巳陝虢高湜代中和

元年八月湜被殺並見通鑑是乾符年昭義節使不得有

李嶺疑碑以咸通爲乾符耳嶺唐書無傳王鐸同年進士

玉泉

子 歷倉部員外郎考功左司郎中

郎官石柱題名

咸通元年

月二十

九日 爲左諫議大夫

華岳題名

咸通四年京兆尹五年爲昭

義咸通末爲鳳翔節度使

玉泉子李嶺鎮岐下鳳翔岐下也

碑文未核又

碑云文舉門人如憚天祐十四年上黨令請住此山其後  
宰官王鋌復舊地基於太平興國三年勅賜寶雲寺額其  
曰五穀祠炎帝廟者縣志百穀神祠在百谷山北齊建神  
農廟亦在百谷山北齊重建碑見通志金石記

資聖寺牒

碑高一尺五寸廣一尺六寸十八行  
行字不等正書今在鳳臺縣大陽鎮

中書門下牒 資聖寺

澤州晉城縣古永建寺 牒奉

勅宜賜資聖寺為額牒至准

勅故諱天禧四年正月六日牒

禮部侍郎叅知政事李

右僕射兼中書侍郎平章事

左僕射兼門下侍郎平章事

澤州怙資聖寺准 勅右具如前事須連錄

勅黃怙資聖寺准 勅命指揮賜資聖寺為額者天禧四年

正月日除

司戶叅軍范泄隆 錄事叅軍楊從善 推官王賁 判

官苑孚

朝請大夫行尚書冀部員外郎知軍州兼管內勸農事護軍  
賜緋魚袋借紫孔式

大陽村古永建寺者累代修崇未諧名額昨去天禧四載

正月六日伏蒙

皇恩特賜牌額号資聖寺為額者憲山谷之改轉星河而遷  
移故刊壁銘用記歲華 昔大宋天禧四載歲次庚申四月

壬午朔二十八日工畢記

寺主講法花經僧法惠 講上生經僧法海 書字僧普信

堂內尚座僧法爽 僧惠光 僧遇江 雲先 雲堅

雲聰 雲口 雲清 行者七兒 應兒 鵞字人劉顯

按通志金石記云鳳臺縣志宋中書省牒在大陽永建寺  
具呈累代修崇未譜名額蒙中書門下牒資聖寺澤州晉  
城縣古永建寺牒奏敕宣賜資聖寺爲額牒至准敕故牒  
天禧四年正月日牒禮部侍郎參知政事李押右僕射兼

中書侍郎平章事押左僕射兼中書侍郎平章事押考眞

宗天禧四年庚申牒所云參知政事李者李迪左僕射爲  
王欽若右僕射爲向敏中平章獨不書姓與國初異今按

此牒文首云澤州晉城縣古永建寺牒奉敕宜賜資聖寺



爲額金石記作奏敕宣賜詳宋時詔旨文義宣賜當作宜  
賜奉之爲奏直字誤耳又金石記左僕射兼中書侍郎今  
碑作左僕射兼門下侍郎亦不相合據通鑑長編天禧三  
年六月甲午王欽若自左僕射同平章事罷爲太子太保  
此碑所刊牒文爲天禧四年正月是時欽若罷政已久牒  
上不得復載其名長編天禧三年十二月辛卯右僕射門  
下侍郎平章事向敏中加左僕射中書侍郎兼吏部尚書  
寇準加右僕射時輔臣以郊恩俱進官敏中病不與祀事  
奉表辭所加官又繼表求解皆不許據此加恩在前年十  
二月是牒以正月行下故知牒中所云右僕射兼中書侍  
郎者爲寇準左僕射兼門下侍郎者爲向敏中金石記以  
王欽若當之者蓋觀宰輔表所載天禧元年有加欽若尚

書左僕射之文因據爲證殊不知欽若三年已經罷政四年行牒何能仍具其銜金石記攷訂甚精此或偶未及檢又此碑明載左僕射兼門下侍郎稽諸長編實爲脗合而金石記所引鳳臺志乃以爲左僕射兼中書侍郎亦不審何所據也李迪之加禮侍不詳確在何時惟長編天禧三年九月辛巳條下有記李迪論皇太子事具銜爲給事中參知政事兼太子賓客至四年七月丙寅入相則書以禮部侍郎參知政事李迪爲吏部侍郎兼太子少傅平章事所具原官禮侍與是牒繫銜悉合知迪亦必於三年冬與輔臣同進官耳宋史地理志澤州屬縣首曰晉城隸河東路碑所載大陽村今爲大陽鎮屬鳳臺縣見縣志向敏中寇準李迪宋史俱有傳又金石記各銜下均有押字此碑

無之或已剝落矣碑見通志金石記

后土聖母廟記

碑高四尺九寸廣二尺二寸二十四  
行行五十五字正書今在萬泉縣

河中府萬泉縣新建后土聖母廟記

勾當廟人毛守中

鄉貢進士裴僅撰

徵仕郎行縣尉周渭書并篆額

左氏傳曰國之大事在祀與戎且祀者有國之徽猷化民之  
至教故

王者以父道事天母儀事地郊祀之禮三載一舉故無闕焉  
莫不柔盛豐潔牲牲肥腍噐幣畢陳金石交奏所以昭其孝  
而息乎民也

皇上嗣位之十一載天下無事百穀告成先是東兗士庶章奏繼陳乞登岱勒封以紀太平之功

我后乃勉徇輿情頒詔海內告有事於岱岳越三載舉墜典備法駕復展義於汾雎是時稼穡之瑞草木之祥靈鶴慶雲靡不迭現蓋以

聖君虔奉柔祗恭孝祖攷軫孤恤物之所昭感也有以見大宣皇明以燭其幽鮮行之禮告畢雉鴻之慶普施遐迩同歡鳥獸咸若故能致社稷之延長躋黎元於福壽者也今當縣聖母廟者本雎上后土之祠從其新號今謂太廟在昔聖王親遇靈應掃地以祭精□□達實受其福千載而下經漢歷唐躬謁之君國典所載此不復書且王化之攸行政教之所及民之法則若草從風蓋上能恭事天地常命中貴大

臣親詣靈祠秘傳

聖祝春禘秋嘗為民祈福歲不愆

期故庶民觀

上勤心恪志亦以四時設祭而陳其薦

也故不渝於風雨展於寅奉倚倦絕聞忽一日耆耋相謂曰  
今吾輩倉廩寔衣食足田無災害家獲乂安無征戍以役乎  
丁務耕耨以成其業雖承

帝力豈非神降之福哉且汾隍本廟地遙三舍奈衰殘之步  
艱於往來今欲率群情懋衆力揆吉位創新祠奉蘋蘩以達  
其心致潢汚以表其意使不乏其祭享豈不為稟靈秀而重  
陰隲耶衆聞厥議忻懌僉同於是召信士以謀其始祝靈著  
以卜其方遂得縣之坤兌隅為吉地乃命剪除荆棘剗削榛  
蕪經之營之以嚴以飾于以見

神聰降靈人心響答

商農工賈靡不樂推一之歲板築之功設二之歲瓦木之用

興三之巖堂殿之修備四之巖塑繪之像成陳力者子來施財者霧集歡聲動而谷響喜氣積而雲浮長廊遠布以翼舒畫棟高橫而虹起朱碧交映羅仙仗以駢闐帳幄深嚴仰

神儀而端睟孤峯俯峙共起嶽岑洪浪西流遙連浩汗

則一境之內比屋之人覩良緣之告成資大功之克就無不潔誠而來既望之儼然咸祭之如在乘福介祉知暗然而彰也今

邑長□公下車以來二周星律以清白庶勤為已任示勸化正直以臨民吏畏於明奸服其政綽然有古令尹之風且鄉中仰彤螭之靈觀

廟貌之勝謂不揚盛

事何以示將來不刻貞珉何以傳不朽亦由成山九仞復甞功於一篲也因告于聞欲蒞厥事

縣寮貴在欽承祭

祀祇肅陰靈咸順其欲且

梅仙周公早善篇章尤精

翰墨衆伸厥意願請揮毫僅射鵠未成來遊是邑沐故人見  
託以著斯文深謝其才不驚人更愧其學非觀奧聊述淺昧  
用紀歲時其助緣多士並刻石於後

時大宋天禧四年五月十五日建

同勾當鄉貢學究南世範 都維那頭縣前錄事司皇甫

臻 同勾當押司李忠吉 同勾當押司李恭 同勾當

鄉貢學究董用之 故都維那頭前行皇甫義 同勾當

前押司皇甫鶴 同勾當前押司楊順 同勾當故前行

口羨 同勾當前行楊士隆

將士郎守主簿侯道濟

承奉郎守縣令楊德潤

廣平焦琳刊

按碑題鄉貢進士裴僅撰徵仕郎行縣尉周渭書並篆額  
碑云皇上嗣位之十一載天下無事百穀告成東兗士庶  
章奏繼陳乞登岱勒封我后乃有事於岱岳宋史本紀大  
中祥符元年三月甲戌兗州父老詣闕請封禪丁卯兗州  
并諸路進士詣闕請封禪夏四月甲午詔以十月有事於  
泰山十月丁未法駕入乾符縣奉高宮庚戌法駕臨山門  
辛亥享昊天上帝於圓臺壬子禪社首卽其事也大中祥  
符元年爲眞宗嗣位之十一載碑又云越三載舉隆典備  
法駕復展義於汾脍是時稼穡之瑞草木之祥靈鶴慶雲  
靡不迭現宋史本紀大中祥符四年正月乙酉習祀汾陰  
后土儀丁酉奉天書發京師日上有黃氣如匹素五色雲  
如蓋紫氣翼仗庚子陳堯叟獻白鹿二月戊申華州獻芝



山名考卷之二  
草辛酉祀后土地祇是夜幸開化寺作大甯宮皆其證也  
碑云從其新號今謂大甯者卽本紀之大甯宮碑以創新  
祠而立碑所稱今邑長下車以來二周云云則亦宋之良  
令以碑末守縣令楊德潤考之則碑邑長下所闕文當爲  
楊字碑末題銜有鄉貢學究南世範董用之守主簿侯道  
濟守縣令楊德潤皆可爲考晉故者之助碑見寰宇訪碑  
錄通志金石記

萬固寺舍利塔記

碑高二尺五寸廣二尺六寸二十六  
行行二十五字正書今在永濟縣

大宋河中府中條山萬固寺新修舍利塔記

鄉貢進士田沃撰

蒲坂輿區中條福地精藍鎔峙靈迹紛敷世出異人代傳勝

事披圖考傳以昔準今詳究淵源誠非妄矣茲郡開元寺有僧令操者率德邁倫姿度英偉咸平中率遊岐陽忽於天柱佛宮得西域咒僧辟藏釋迦舍利七千餘粒其所得之始應現樣異不可勝言自爾齋歸本院虔發至誠將募有緣崇建宰堵迨乎乾興初方謀葺事掘地為宮當置葬之前廣備香燈俾人瞻禮於是晝融暉彩宵炳神光遂遍沓臻逾旬若市乃有同事比道道臻者慝泣於師懇求數粒願於行住常切奉持師乃顧謂門人曰茲實恪至其可拒乎由是塞其厚意以三粒授之自時厥後叅請勤劬二時不輟其寅畏精謹與夫奉紫紫金妙相於祇園也將無異焉居無何焚誦圓遶之間覺有警寤密邇視之乃生感應一粒圓明瑩澈燦然可觀臻公且喜且懼再禮再瞻歸向之心倍百其意乃曰佛以

慈悲為本悉度一切有情凡起良因必招勝果吾當擇高顯之地礱甄豎塔瘞而藏諸令四衆仰觀萬目遐觀咸植善根共資法廕則自利利他其在茲乎由是度寶坊之震位託翠嶠之宏基揆日程功籌資計用殫衣盂而具費召檀施以樂成甃匠陶人遽然集事爰經始於仲春迺告成於初夏屹立九層高踰數仞提封百里如視掌中若非操師創意於前寮公繼美於後則巍巍之狀疇能迭興是知法本付人非人何託人能奉法非法何依足以彰中冀之丕休是能畢開土之鴻願者也沃寔郡人周知始末時寓金地溫肄斯文臻公祇肅為恭勤求紀事固讓不獲聊撫耿繫云耳

皆天聖二年歲在乙丑四月八日記

典座僧永熙 維那僧永祥 山主住持沙門智欽 功

德主講經律論臨壇沙門道臻立

宣德郎行大理評事監河中府都益稅院事劉璣書

遠有恭刻

按碑題鄉貢進士田沃撰碑言開元寺僧令操咸平中游  
岐陽云云校永濟縣志開元寺在東關薰風巷東創於唐  
開元時宋咸平四年楊億撰寺塔記岐陽者鳳翔累見唐  
人詩文碑末題臨壇沙門道臻立即碑所云臻公宣德郎  
行大理評事監河中府都鹽稅院事劉璣按未職官志監  
當官掌茶鹽酒稅場務征輸及冶鑄之事諸州軍隨事置  
官其征權提務歲有定額歲終課其額之登耗以爲舉刺  
凡課利所入日具數以申於州交割必置厯以稽其贖欠  
宋會要監當條淳熙九年詔光州稅務鹽監一員依舊歸

部銓選此監河中府都鹽稅院事卽稅務鹽監也宣德郎  
文散官正七品政和避宣德門改宣教郎大理評事朱志  
大理寺評事十有二人又縣志萬固寺在縣東南十五里  
中條山麓唐大中八年建寺因山爲高上有浮屠寺最高  
處望黃河華岳皆見沃記自稱郡人則亦蒲之應舉未第  
者

### 唐興寺經幢

幢高三尺五寸七分額題第一面上列三行行三字  
八面每面廣四寸俱七行行六十九字至四十四字

正書今在

聞喜縣

佛頂尊勝陀羅尼經

經文不錄

典座僧智源 維那僧智文 院主僧智雲

有解州聞喜縣東鎮郭下清信弟子楊明 於保寧禪院內

建立 佛頂尊勝陀羅尼經幢壹所 奉為亡過 父母報  
三年養育之恩 答十月懷擔 □ □ 空四有普證圓寂八熱八  
寒同登正覺 弟子楊明 妻張氏 男楊士 新妻張  
氏 並伏願芥城等壽永離於八難之殃 拂石齋年長感於  
三堅之福 比 尼妙聰 比 惠解  
時大宋國天聖六年歲次戊辰仲冬之月辛卯朔二十二  
日壬子建立

書經僧惠凝 同寫人馮太簡 晉州石匠亢文義 弟  
亢文 □

按石刻解州聞喜縣東鎮郭下楊明於保甯禪院內建立  
經幢一所此石立天聖六年在改名保甯後故不曰唐興  
而曰保甯見通志金石記

翼城文廟碑

碑連額高五尺廣二尺十八行行五十一字額題新修至聖文宣王廟記九字皆正書今在翼城縣

絳州翼城縣新修至聖文宣王廟記

承奉郎守大理寺評事知翼城縣事兼監鹽稅務文彥博撰

聖宋四葉

上繼明之五年彥博以進士舉中甲科得

大理評事宰是邑秋八月二十九日始蒞事故事宰令始至則郡縣之祠廟悉詣之恭於神訓於民政之本也由是詢於邑吏質之縣圖載祀典享廟食者惟宣聖之祠焉翌

日仲祠謁之禮已事而退立於廡下觀其石記即後唐長興三年創是廟也歲月滋久廟貌弗嚴屋瓦皆隳梁木其壞上不庇於風雨下不容於俎豆縣署直其北裁十數步日有敲

朴之喧澮水流於東不三四尺歲虞漂溺之患雖賢哉回也不改其樂君子居之何陋之有而守土事神者崇奉之禮豈不闕歟方謀於為僚規是改作方營善地將構新宮而縣西北隅適有廢廟故老承傳為湯王行官事出不經理無常祀既絕蘋蘩之薦鞠為荆棘之墟像設郡亡廊廡全侈獨有正殿巋然中立雖丹堊已晦而薨棟頗崇異乎哉天將以斯室遺 夫子耶不爾則胡為十室九廢而獨完茲中字虛其正位者安所俟乎宜其即是遺構以正兩楹之坐起茲頽垣以崇數仞之牆踵其故以謀新材則易備變其本而加飾工不告勞命薙氏以芟夷集援人而塗暨興廢起墜務實去華昔之湫陋者耽耽而雲蔭矣曩之荒穢者殖殖而砥平矣翼以東西兩室增之屏樹開闔凡屋僻之間堵其數盈百危



昏中而戒事日南至而功動適其時不愆於素邑人張會元以文行稱於鄉曲累舉進士敗於垂成運舛事違退而講授一日觀新廟之既成以列像之未備乃率其徒躬營其事明年春募工於別郡得繪塑之妙者於是塑

宣聖暨

十哲之像逾十旬而告就八月上丁擇奠之禮落之且日能事畢矣不可無聞於後蓋書以志故述其經始之因直謹夫歲月而已杜牧云稱

夫子之德莫如孟子稱

夫子之尊莫如口吏部孟所謂口人已來未有如

夫

子賢過堯舜遠矣韓所謂自天子至郡邑守長得共祀而徧天下者惟杜稷與

孔子杜稷壇而不屋豈如

孔子巍然當座用王者禮以門人配自天子而下北面拜跪禮如親弟子然則

夫子之德之尊韓孟言口詳矣今

茲為記是用略諸

時天聖八年九月五日記

學口史宗元立石

鄉貢進士張會元同立石并篆額

將仕郎守翼城縣尉趙永和

文林郎守翼城縣主簿孟口瑞

西頭供奉官絳州管口巡檢張餘慶書

張政刊石

按碑題承奉郎守大理評事知翼城縣事兼監鹽稅務文  
彥博撰按潞公集卷十二有此文取以相校如日南至而  
卒功碑闕卒字莫如韓吏部碑闕韓字孟所謂生人已來  
碑闕生字韓孟言之詳矣碑闕之字故老承傳集作俗老

承傳凡屋壁之間堵其數盈百集作其數百楹則兩通也  
翼城縣志文廟在西清門內興賢坊舊在縣治南唐長興  
三年建宋天聖八年路公文彥博令翼避水患徙置今地  
自爲碑記卽此碑考長興後唐明宗第二改元年號也碑  
云聖宋四葉上繼明之六年彥博以進士舉中甲科得大  
理評事宰是邑秋八月二十九日始莅事宋史彥博傳及  
進士第知翼城通判絳州無年月縣志彥博進士天聖間  
以大理評事知縣事平易近民課農桑親履阡陌紀綱整  
飭修河隄以防河患移建學宮大振士習亦無第進士年  
及任翼城年月以此碑考之宋史仁宗紀乾興元年二月  
戊午眞宗崩太子卽皇帝位天聖五年三月戊申賜禮部  
奏名進士諸科及第出身一千七十六人上溯乾興適六

年則彥博天聖五年進士又河亭記題天聖六年三月二十一日大理評事知縣事文彥博書結銜與此碑合又碑末題天聖八年九月五日記此彥博以天聖五年令翼八年九月仍任之證碑云宣聖祠創後唐長興三年縣署直其北日有敲朴之喧滄水流於東歲虞沈溺之患因構廢湯王廟爲新宮邑人舉進士張會元營之碑末題鄉貢進士張會元同立石并篆額將仕郎守翼城縣尉趙永和文林郎守翼城縣主簿孟闕瑞西頭供奉官絳州管闕巡檢張餘慶書以縣志考之縣尉卽趙宗和志注以將仕郎爲縣尉與碑題銜合主簿孟闕瑞志作趙端張會元亦見縣志仁宗朝累舉進士不第退而講學於翼一時從游者皆彬彬有造嘗募工修文廟然則會元固宋翼之文士而能

施者滄水一統志源出翼城縣東南滄山下西經縣南入絳州界碑見通志金石記

康孝基題玉兔寺詩

石高一尺五寸廣一尺六寸五分  
十行行字不等行書今在浮山縣

奇題神山縣玉兔寺

尚書刑部郎中直史館賜然金魚袋康孝基

國朝芟剝多新額玉兔名存四百年曾為

皇唐稱瑞應得於

炎宋保流傳荆山温潤當疑化月窟精神主缺圓寺記廢興  
書異事豐碑采摭盡雕鏤

天聖八年十月十五日講經論僧志應上石

將仕郎守主簿權縣事焦季卿書

按碑前刻尚書刑部郎中直史館賜紫金魚袋康孝基題  
玉兔寺詩有玉兔名存四百年之句按自武德至宋天聖  
不及四百年而詩如此云者舉成數也末題天聖八年十  
月十五日立石將仕郎守主簿權縣事焦季卿書此季卿  
以是年任神山可爲考晉故者之助碑見通志金石記

龍堂記

碑連額高三尺六寸廣二尺三寸二十四行行三十一  
字正書額題澤州龍堂之記六字篆書今在鳳臺縣

澤州龍堂記

新授安國軍節度掌書記宣德郎試大理評事夏侯觀撰  
并書

粵若神龍運變化於自然契陰陽之不測雲從雨施功濟九  
有與夫蛇蠍之化山澤實生其聖凡之異乎高都郡西南二

里有古潭其廣百尺怪樹豐草陰森蔽之近而可畏按舊記  
唐刺史溫璠因歲旱詢於耆艾云此寔龍泉也遂命開鑿致  
禱而雨澍由是建祠於側祀典載焉然自溫而後長人者  
或嘗救旱克誠舉之靡不獲應則未暇有重迹其事者矣

今太守王公亮采

三朝劬勤數紀劇藩荐領異狀洽聞自前年中移臨是郡屬  
已再葺立政示民信於惇寡盡忠報

國監於神祇今

春以仲陽用事膏澤尚愆軫於

公懷過彼農望惟先潔志乃率僚佐萃州民詣祠祈請纔應  
蜀都之鼓鬱鬱雲興俄遇漢里之車霏霏雨逐翊日諸邑燥  
上稱已優洽泊暮春至於隆夏載禱如昔固益降

神

休終祛魍虐是歲遠邇早暎惟我輻負多稼滋茂至誠所感

繫物惟馨抑

公之能事也昔河南魯褒以政除姦弊

廣陵束皙以志達明靈是時皆能却旱而致雨況鮑德有神父之美蕭雅胎早母之誚書之信史豈徒然乎觀頃歲中科

雲陛始佐濩澤之幕比時調選

天官復掌

邢臺之籍寓茲待闕暇日居多因以所目之事紀為不朽文且無飾敢示於大雅君子

時天聖九年七月十日記

文林郎守晉城縣令王汲 將仕郎守晉城縣主簿張□

人 將仕郎守晉城縣尉劉至誠

文林郎守司戶叅軍山宗□ 將仕郎守司法叅軍宿運

承務郎守錄事叅軍鄭旦 文林郎守司理叅軍王咸

朝奉郎衛尉右丞監酒稅騎都尉梁居簡 承直郎試大



理評事權軍事推官王立

軍事判官□□郎試大理評事王若谷象額 右班殿直

監酒稅李元

西頭供奉官兵馬監押兼在城巡檢楊德政 左班殿直

澤州管界並連太行山一路巡檢何懷德

大中大夫行尚書都官郎中知軍州兼管內勸農事上柱國賜紫金魚袋王世昌

按碑題新授安國軍節度掌書記試大理評事夏侯觀撰

并書鳳臺縣志夏侯觀字大臨鉅野人父嶠贈兵部尚書

宋史有傳天禧間以進士甲科補澤州觀察推官明決有爲長

於律令之學郡屬有疑獄立爲剖晰選試大理評事安國

軍節度掌書記終安撫使觀又見長編碑云唐刺史溫璠

建祠縣志溫璠字守璵河內溫人宰相彥博季子高宗末

以父彥博蔭仕澤州刺史澤地饒礪多旱災璠訪諸父老

得古龍潭齋宿祈禱甘雨立沛民皆德之建祠潭上立碑

紀其事後仕至駕部郎中二兄瓚瓛以進士釋褐唐書宰相世系

溫氏表大雅下有瓚瓛無璠宜補記言頃歲中科雲陸始佐濩澤之幕謂

澤州推官比時調選天官復掌邢臺之籍宋史地理志邢州安

國軍節度觀時官安國軍節度掌書記故云邢臺掌籍自

晉城令王汲以下皆見縣志職官王世昌縣志職官無知

澤州年月以碑文前年中移臨是郡考之則天聖六年又

長編天聖元年六月乙丑有知梓州王世昌歐陽文忠集

都官郎中王公墓志原注明道二年明道元年五月二十四日尚

書都官郎中王公以疾終於許州私第又云公諱世昌字

次仲少屬文舉進士端拱元年登科第補鳳翔郿縣主簿  
再調開封土曹參軍知杭州鹽官縣又改蘇州常熟縣轉  
運使張式以治狀奏充秀州判官遷著作佐郎知彭州九  
隴縣轉太常丞會鹽鐵上言建安茶稅不充請擇材臣專  
其任公膺是選歲增四千萬三年歸朝優詔嘉獎擢知饒  
州連典蜀福二州歷太常博士屯田都官職方員外郎權  
三司判官出知鄧州轉屯田郎中徙東川錫三品服移成  
州權莅西京留司御史臺又知澤州轉都官郎中知絳州  
老疾上章得分司西京年七十有八志未言何年知澤以  
碑考之則天聖九年七月以前仍任澤州碑題行尚書都  
官郎中知軍州則轉都郎在知澤時可補歐集之闕王立  
見長編明道元年十月知揚州王立兼安撫使明道元年

去天聖七年凡四年立遂推遷至知大藩可謂速矣西頭供奉官兵馬監押兼在城巡檢楊德政左班殿直澤州管界並連太行山一路巡檢何懷德攷宋會要巡檢條巡檢掌巡檢州邑捕捉盜賊之事以閤門祇候以上至諸司使將軍或內侍充自兩州至十州及沿邊寨或路當險要者亦因其地爲名西頭供奉官左班殿直均武臣楊德政在城巡檢何懷德澤州管界並連太行山一路巡檢所謂因其地爲名也懷德如京使漢榮子亦見鳳臺志澤州府志五龍宮在城西南隅見通志金石記

霍嶽廟詩碣

碑高一尺二寸廣一尺八寸四分  
十二行行字不等正書今在霍州

霍嶽廟

尚書虞部員外郎知晉州軍州事上柱國賜紫金魚袋王

惟正

聳峻疊寒翠森森廟木秋

崇功封

應聖

裒德鎮中州

輔宋來

御署

興唐占上游義旗初有力未足答

裒休

按本書非神之使則大事不濟義旗初舉神有力焉比封上公恐爲失禮故有是句

天聖辛未歲中秋望日刻石

校碑題尚書虞部員外郎知晉州軍州事王惟正今霍州

志藝文詩宋中鎮廟留題知晉州軍王惟正詩句曰聳峻  
疊寒翠云云皆與碑同惟輔宋來御署句志作輔宋來行  
在當從今揭本爲正詩後有云按本書非神之使則大事  
不濟義旗初舉神有力焉以史考之惟正所云本書者唐  
書也舊唐書高祖紀大業十三年七月丙辰師次靈石縣  
隋宋老生屯霍邑以拒義師會霖雨高祖命旋師太宗切  
諫乃止有白衣老父詣軍門曰余爲霍山神使謁唐皇帝  
曰八月雨止路出霍邑東南吾當濟師八月辛巳引師趨  
霍邑斬宋老生太平寰宇記大唐皇帝若向霍邑當東南  
傍山取路我當助帝遣人視之果有微道  
碑云非神之助則大事不濟者謂霍邑不下高祖必退師  
唐將不帝也比封上公指謂天寶封應聖公事晉州宋建  
雄節度方鎮州通志職官譜未知晉州無王惟正可据此

碑補碑立天聖辛未卽天聖九年

疑真觀碑

碑高三尺六寸廣一尺八寸十八行  
行五十九字正書今在聞喜縣西關

新修凝真觀碑

并序

將仕郎守解州長史喬林撰

原夫太極未分克著生三之兆兩儀始定爰彰得一之源固  
名之者非常之名器之者非常之器潔淨於希夷之域精微  
於恬澹之門若有若無惟寂惟冥所以崆峒問道方知神化  
之功姑射尋真始悟修身之要乃有前押司錄事郝卽等專  
心慕道勵志求真勞神於恍惚之間役智於杳冥之內念福  
庭之不朽知壽域以長春以此轉化多人廣求信士高卑遂  
意遠近同心捨其玉帛之資建彼金壇之地祥符七祀歲次

甲寅會邑人咸相謂曰○老氏者蓋上世之真人垂萬年之  
聖教以清靈自得以疾澹為宗皆發願心同修觀宇莫不夜  
焚香火曉祝誓龜祈鶴馭於 仙宮迎鸞駟於 天闈所願  
降臨塵庶福蔭生靈選其爽塏之區卜此優閑之地果然傍  
連井邑俯近川鄉前臨涑水之湄後據桐宮之地始營大殿  
創立崇基列環堵於四陲掛松蘿於兩面然後名山採木哲  
匠求工載雕載琢之人或斧或斤之士皆來嚮合率尔相成  
不逾星紀之間果遂殿堂告畢依稀天壤高橫蠅螬之梁隱  
映雲端迥列鴛鴦之瓦既人寰之若是諒洞府以應同更有  
塑畫真容彰施彩色命張僧堯之仙手假吳道子之神蹤共  
寫儀容同加彩繪遂即禮星壇上○矚而狀貞如生朝元殿  
前熟視而神情欲語是以蓬壺達士闔苑名賢皆懷趨侍之



心盡發住持之願乃遇東京建隆觀道士謝若水堅心主領  
一志修持酒<sub>字</sub>房廊盡皆清淨以此告其邑衆咸啓願心乞  
以申 州望頌 名額尋蒙 使命特具 奏聞果沐 天  
恩猥加 聖渥特 勅賜凝真觀之名莫不三鄉士庶一縣  
□良長崑清淨之門永荷 昇平之化故得春析秋醮嘗陳  
三奠之盃杓祀蒸嘗不輟四時之祭是致風調雨順遠□途  
安瑞麥秀於兩歧嘉穀垂於重穎人戶康泰咸謂 祐助之  
息歲序豐登並感生成之化林材非刻鶴價味屠龍有守株  
待兔之愚無射馬斬蛟之勇堅丞見請因愧抽毫輒構蕪詞  
勒為銘曰

太極未判 其道克彰 兩儀定位 其道耿光 惟恍  
惟惚 若存若亡 爰有信士 轉化川鄉 共迎老氏

化此一方 廣修殿宇 大建房廊 樓臺于映 井  
邑交相 前臨大道 後枕高岡 春秋冬夏 禘杓蒸  
嘗 人且安泰 歲序豐穰 世世享祀 福壽無疆  
天聖九年歲次辛未九月丙午朔二十七日壬申建立記  
張廷隱書并篆額

酒務副知客張守全

副知客司軍將邱恩

右班殿直解州管内巡檢康

三班借職監鹽稅孟守口

朝奉郎守太子中舍知解州聞喜縣事兼兵馬都監騎都  
尉賜緋魚袋左惟永

將仕郎守主簿口日宣

將仕郎守縣尉



刻字人胡用素 韓謙

按聞喜縣志疑真觀在城西關宋祥符七年建解州長史喬林記元敕賜疑真萬壽宮明洪武初改萬壽宮按碑始言押司錄事郝節等祥符七祀會邑人建觀與縣志合碑言申州頒額此見宋時賜額之制碑爲張廷隱書碑末所題之知縣事左惟永縣志未列得此可補其闕又增修文廟記碑知縣事慈卿有兼兵馬監押在城巡檢文今此碑左惟永題兼兵馬都監與卿所兼職不同然足爲宋知縣兼知兵事之證

監兵馬而不兼巡檢當以解州管內巡檢已兼有聞喜故宋解州領聞喜縣

班殿直解州管內巡檢康不署名今聞喜縣志補題疑真觀萬壽宮記天聖九年西關卽此碑惟萬壽宮額系元

時加賜宋天聖時尚無其名應從搨本題新修疑真觀碑  
不應豫加萬壽字通志金石記亦沿補志而誤今據此記  
正之

記云特敕賜疑真觀之名碑見通志金石記

天聖觀禱應詩碣

石高一尺六寸廣一尺九寸十三  
行行字不等正書今在浮山縣

應禱詩留 天聖觀

新授江南東路諸州水陸計度轉運使兼提點鑄錢等公  
事本路勸農使朝請大夫行尚書冀部員外郎上柱國賜  
紫金魚袋王惟正

嶺外歸來者曾為外計臣無功能報

國抱疾亦愛民乞雨祈

諸廟焚香禱

衆真精誠達

天地霧霈

果均勻

仲秋上旬自己而禱泊辛而應是年大豐

都監賜紫道士段見素建

天聖九年閏孟冬月立石

按碑前題新授江南東路諸州水陸計度轉運使兼提點  
鑄錢公事本路勸農使朝請大夫行尚書虞部員外郎上  
柱國賜紫金魚袋王惟正惟正天聖九年霍嶽廟刻石結  
銜爲虞部員外郎知晉州軍州事今碑言仲秋上旬自己  
而禱泊辛而應則猶惟正知晉州時事末題天聖九年閏  
孟冬月立石長編天聖九年閏十月與碑合惟正除江東

當在十月前故題前有新授字玩惟正詩則嘗爲廣南轉  
運使提點鑄錢公事爲江東轉運使兼銜長編太平興國  
二年二月壬辰江南轉運使樊若水請置監於昇鄂等州  
大鑄銅錢凡山之出銅者悉禁民採並取以給官鑄故江  
東轉運使例兼提點鑄錢公事碑見通志金石記

絳州重修夫子廟碑

碑高四尺五寸廣二尺五寸二十二行行五十六  
字至六十一字不等行書今在絳州文廟東廊

大宋絳州重修夫子廟記

朝散大夫尚書祠部郎中充秘閣校理知軍州兼管内勸  
農事上護軍借紫李垂撰

三墳而下聖人非一首出千古為聖之至

我夫子焉

周公而上聖曰堯舜曰大禹文王曰湯武周公而下曰孔子

子沒千百年而迄於今不復生謂聖人者達者曰亘萬世終  
天地不復生謂聖人也蓋周孔之作盡之矣後之有如周公  
如孔子烏越諸道越諸為過過於不及迷大中之用烏聖耶  
烏賢耶楊朱墨翟之書詳其所存亦君臣父子之說然王霸  
乎入悖我天常時惑之謂孔墨焉索於辭果肆而為叛者又  
奚及耶孟軻荀况楊雄韓愈之徒正性天質孜孜思及落筆  
行事推誠理人蔚焉而其文光炳焉而其德耀顯晦周變率  
持於道匪謂聖而謂賢者所謂周孔之作盡之矣止曰大儒  
曰大賢堯舜之聖得位而治民克受賜於當時禹湯文武皆  
時而已非所謂教補千古法御無窮者故禹沒湯喪生物塗  
地孰愈乎周孔立言天地俱以五材萬類動悉其要一日去  
之中國不夷則狄矣夫周公之法制人者也孔子之教誨賢

者也相述憲章知堯舜至仁桀紂至暴歸其義君臣治而家  
國○父子親而朋友信後之及斯者為大賢過斯者為不及  
所謂亘萬世終天地不復生謂聖人也李唐承平爵我以王  
禮我以王禮我攸宜爵我之王未正也子王以道弗王以位  
舉諸道王故久焉○明是以為素臣子於周王其尊矣謂天  
子得曰王孔子得曰王暨嬴秦徧皇帝之號距唐靡革若四  
夷小酋長或將帥之負勲者而王爵代衆獨孔子何為尊韓  
愈唐臣也誌詞於碑不曰王曰孔子旨其是矣維絳古晉之  
高壤風物充饒氓庶繁益今其侈奉於佛淫事乎鬼俾夫子  
廟雖

國章下郡縣告長吏必完其官必欽其祭咸不能脩禮進儀  
而屋隘堂隳墉如不祀祀將弗恭矣咸平二年朝請大夫尚



書□□□中上柱國譙國夏侯公濤來牧於茲既恤其四窮  
又安其四業知化肅公簡思欲葺祀事行禮容獨以夫子為  
先及廟象弗完念新厥制□□□□□□□誰曷德祀論  
而靡修曷淫祀謫而靡廢面賢識愚肉食罔耻吾將綠隲地  
以拓其垣堵起崇堂以儼其良服擣重樓積羣書以誘其學  
校駕長廊□□□□□□食祭顧始誠未孰予共之衆庶詵  
詵符響百萬輦土斤木奉若公旨四年承奉郎太常博士河  
南梁知昭神同執郡司貳公之謨請制如一□□□□□□  
□公遂歸 朝嗚呼梁知上天厭賢不幸而卒於我廟  
事墳焉弗興五年宣德郎尚書都官員外郎汾陽郭侯堯卿  
代公而茲三賢同道其氣□□□望封維學斯效擬南鬼西  
佛各推教始彼光佩儒業豐守祿位胡不思之甚歎以是

國朝用檢邦邑滫祀誣字悉議除之一稔一楹盡削其  
識書曰葛伯不祀湯始征之則祀非後者也且恕責無他合  
中而已既弗命祀而祀辜乃如之庶命祀而弗祀辜亦如之  
則四方孰我不供乎移附刑書則萬世孰我不供乎君子曰  
孔子沒亘萬世終天地不復生謂聖人也可謂至聖矣王以  
道弗王以位可謂正名矣典祀著法可謂制禮矣垂一命未  
行

召試閣下於故梁卿得崇朝視席之遇卿暨同理  
於絳垂嘗掌法於解與夏侯公以夫子廟辱指為記□□□  
兼局尋負報命違公歸卿卒聖人之門勉志而述亦少補於  
故卿之意故因知夫子沒不復生謂聖人也又知李唐之封  
非尊我也□□□□□□□□□□不供也語是三者然辭  
質義膚庶有成於理

六月癸未朔二十八日庚戌重立

晉右軍將軍王羲之書

逸民峽跌宕集刻

按碑題朝散大夫尚書祠部郎中充秘閣校理知軍州兼  
管內勸農事上護軍借紫李垂撰今解州志儒學在城東  
北隅宋咸平二年州牧夏侯濤修李垂記今按碑云咸平  
二年郎中燕國夏侯公濤來牧於茲思欲葺祀事獨以夫  
子爲先與州志云州牧夏侯濤修者合然反覆考碑文必  
不於咸平二年作碑有咸平四年公遂歸朝指謂夏侯濤  
也曰咸平五年宣德郎尚書都官員外郎汾陽郭侯堯卿  
代公三賢同道以下文多磨泐州志亦闕則廟實成於郭堯卿  
知絳時三賢者謂夏侯濤梁昭璋郭堯卿也所云垂嘗掌

法於解者聞喜縣修宣聖廟記垂以咸平四年爲聞喜尉

宋聞喜隸解州

宋史地理志

故曰掌法於解碑末歷述昭璋嘗

以夏侯濤指請垂爲記未作而濤歸昭璋卒此記後作無

疑宋史李垂傳咸平中登第自湖州錄事召爲崇文校勘

累遷著作郎館閣校理修起居注忤丁謂知毫穎晉絳州

明道中還朝垂蓋以天聖末知絳碑末題六月癸未朔二

十八日庚戌重立晉右軍將軍王羲之書逸民蹠跌望集

刻弇州山人稿絳州夫子廟記宋人集右軍書聖教序猶

是真跡中集者此又從序書及他石摹刻形似之外風流

都盡矣金石萃編按此碑泐其年號但存六月癸未朔二

十八日庚戌重立据遼史朔閏考六月之爲癸未朔者在

仁宗天聖十年通志金石記碑立於六月其年十一月改

元明道是天聖十年卽明道元年也又云其記夏侯歸朝及梁之卒在咸平四年則文實成於五年垂方登第時必久已刻石其後二十餘年垂刺絳州而蹠蹠望又集右軍書別刻之故云重立也蹠蹠突厥部名新唐書突厥傳蹠蹠都督思太款邊詔內之拜思太特進右衛大將軍兼蹠蹠都督樓煩郡公張說發川郡王碑降戶之叛河曲也公戡翦略定師旅方旋延陀蹠蹠復相嘯聚此蹠蹠爲部名之證通志金石記引元和姓纂開元中有左威衛大將軍赤水軍副使武威公蹠蹠舒唐書地理志呼延都督府有蹠蹠州蓋蕃將之歸唐者以地爲氏也望或其後裔云据突厥傳則思太以蕃將歸唐實其證風物充饒系饒字之誤碑見石墨鸞華寰宇訪碑錄

解州鹽池新堰碑

碑高五尺八寸廣二尺二寸八分十八行  
行約七十字字徑七分行書今在安邑縣

解州鹽池新堰箴

并序

朝請郎守尚書祠部員外郎充集賢校理知解州軍州  
□□□農□□□□場□□騎都尉賜緋魚袋借紫張

仲尹



天聖九年冬十月奏請營兩池新堰

詔□□之越明

年春正月擇益官曰文□□□喜安□□□千人責募□  
而復之懸仲春厥功成壯矣□板築興於□□鑿濬於□園  
□郭護真滄壘之固也烏乎鹽澤之區郇瑕之地其利衍沃  
則三代無取焉自元魏□還更變□定□□□富彊專於  
所入貧弱仰而絕望歸國家則侵漁日盛刑□□□是□

□□□迭□□□唐立一定之法重使權益刑名設兵以防  
之樹棘以禁之置屯以儆之建官以統之芻粟營藏連絡□  
□衡石參較出納萬計官運商載晝夜如流資□□無筭之  
饒減天下□□賦曰公曰私各有定分侵漁之弊自茲稍  
息至朱梁千紀昭宗劫遷□□相仍經制無度邦□□薄民  
賦寡人疆梁乘□得以肆貪守衛協謀公竊相半自是□□  
□□□□□之觀夫曆數□□□□斯革

太祖以欽承正統削□諸夏

太宗以□隆丕業奄有

四海逮乎

眞皇御極

嗣聖纂圖□□□□

□□道聲教所瞻靡不□□□斯民動罹深辟體漢皇  
之約法遵成湯之解網昔之苛刻特從末減故下

詔計贖之死者止後□徒三年自是近池之人□而獲□者

□多矣

皇王之惠其至也哉夫禁禦稍寬寬則偽出法令經久久則  
奸生奸偽相滋扞犯何極統而□之乃自然之□也去年春  
□有□□州益禁者□□行之□□罷汾陰□軍□  
□□供奉官蔡公□領池事偶一日舉職餘閑因厯覽而議  
之曰樹棘為禁其可固乎設兵為防其可□乎不忠不固則  
表裏之□□□為其禦哉且峻刑辟而踈禁衛則民□□利  
而和之□□衆矣斯何異□□罟以陷飛走之類乎何哉蓋  
利誘其人茫茫然殺者不知乎故□生者不知乎苟免若然  
則下□之弊急可救之矣救□□□在乎設隄防以塞民欲  
民欲既塞□鹽禁之刑於茲而自錯矣苟至□□□是謂民  
安而刑清非一時之利乃萬世之利也蔡曰設防之□□平



曰未若起堰於上浚壕於下使外不能入內能出□□  
騎精卒巡守要害自□人無其心而奸僞息矣夫如是□□  
可□蔡曰諾繇是即日議定其狀馳駟以聞屬

二聖子育元元惠綏于懷乃眷勤請遽下命而營成之自是  
□□□□略無犯者□新其堰者非以護其寶也抑亦護  
其民也具中人之性者必知之矣既知之則可□相誨導俾  
遷善而無犯也不然則網罟之陷易如反掌耳故為塩池新  
堰箴以勗之其□□

塩池渺瀾環圍百里種斂千夫出□萬計因曰脂膏乃生奸  
弊奸弊既生法令斯啓孰謂其嚴設兵邏之孰謂其峻樹棘  
□□□□□兵多白欺連延公竊開張禍基□□侍臣協

□□獻

帝命曰俞俾營新堰乃立制度乃分程限期以三旬厥功可  
建詢擇提領曰恩曰鼎霜肅威稜風嚴號令畚鍤交飛役□  
□□□□下波如城□池新堰伊何其利孔多□爲□盜無  
得□過昔也苑禁如張網羅今也固護如登太和勉旃解人  
□□天真勿念□□念乎溼□勿思監寶思乎害身聞斯行  
諸揚之□珉

大宋天聖十年歲次壬申十月己亥朔五日癸卯記

晉右軍將軍王羲之書 後郊跌跌 集勒 趙郡李

蒙題篆

此解州鹽池新堰箴記天聖九年冬十月請營兩池新堰  
事序云設兵以防之樹棘以禁之置屯以斂之建官以統  
之與宋史食貨志參較所云巡邏之兵百人目爲護寶都

者合而新堰修建則又以設防滋弊故易之而便利於民也又云卽日議定其狀馳駟以聞又云乃眷勤請遽下命而營成之當時改制之規奉命於上而又獲有成效而宋史食貨志不詳山西通志鹽法門載畦池之制五幅爲塍塍有渠十井爲溝溝有路泉之爲畦曬之爲門池如仰孟畦居灘際地勢南卑於北畦旁各開水爲港長與畦等汲引水上畦底如砥邊封爲埂中復留塍以段分之此治畦之法如此而亦不詳築堰之事要之池鹽澆曬全藉蓄水則築堰爲蓄水之良法此碑可補河東鹽法紀載所未備按志天聖八年詔盛度王隨更制度因畫通商五利上之朝廷旣極意經營蔡公因以築堰爲請史有詳有略据其大者耳跌跌望見重修絳州夫子廟碑張仲尹官銜闕字

當是兼管內勸農事提點兩池鹽場事與放商鹽頌相去  
一年略升轉耳天聖十年卽明道元年十月猶未改元碑  
見金石萃編通志金石記

山右石刻叢編卷十二